



info@vijecemladih.ba

omladinskisavjetrs@gmail.com

vijecemladihbd@gmail.com

Na osnovu člana 16. Statuta Regionalne kancelarije za saradnju mladih te Sporazuma o saradnji u vezi izbora, smjene, ostavke i nadzora nad radom predstavnika mladih Bosne i Hercegovine u Upravnom odboru Regionalne kancelarije za saradnju mladih (RYCO) potpisanog sa Ministarstvom civilnih poslova Bosne i Hercegovine, te Rješenja o formiranju Komisije,

Vijeće mladih Federacije Bosne i Hercegovine

Omladinski savjet Republike Srpske

i

Vijeće/Savjet mladih Brčko distrikta Bosne i Hercegovine

objavljaju

JAVNI POZIV

za izbor i imenovanje omladinskog predstavnika Bosne i Hercegovine za člana Upravnog odbora Regionalne kancelarije za saradnju mladih (RYCO)

Pozadina

S ciljem intenziviranja regionalne saradnje u omladinskom sektoru i jačanja evropske perspektive mladih, dana 4. jula 2016. godine u Parizu je potpisan Sporazum o osnivanju Regionalne kancelarije za saradnju mladih. Sporazum se nadovezuje na ciljeve navedene u okviru Berlinskog procesa i zasniva se na Zajedničkoj deklaraciji o osnivanju Regionalne kancelarije za saradnju mladih na Zapadnom Balkanu potpisanoj 27. avgusta 2015. godine na Konferenciji o zapadnom Balkanu u Beču. Regionalna kancelarija za saradnju mladih je međuvladin mehanizam za saradnju mladih Zapadnog Balkana, s mandatom i kapacitetom da podrži i stvori uslove za aktivnosti koje promovišu pomirenje, mobilnost, raznolikost, demokratske vrijednosti, učešće, aktivno građanstvo i interkulturalno obrazovanje, uzimajući u obzir duh procesa evropskih integracija regiona.

Radi nastavka saradnje i partnerstva ostvarenog u procesu koji je prethodio zaključivanju Sporazuma o osnivanju Regionalne kancelarije za saradnju mladih kao i aktivne uloge udruženja mladih, udruženja za mlade i njihovih saveza, Vijeće mladih Federacije Bosne i Hercegovine, Omladinski savjet Republike Srpske, Vijeće/Savjet mladih Brčko distrikta Bosne i Hercegovine i Ministarstvo civilnih poslova Bosne i Hercegovine su zaključili „Sporazum o saradnji u vezi izbora, smjene, ostavke i nadzora nad radom predstavnika mladih Bosne i Hercegovine u Upravnom odboru Regionalne kancelarije za saradnju mladih (RYCO)“ kojim je predviđeno sprovođenje javnog poziva za odabir omladinskog predstavnika u Upravnom

odboru Regionalne kancelarije za saradnju mladih i komunikaciju Ministarstvu izabranog predstavniku/ce, koje dalje prijedlog podnosi Savjetu ministara Bosne i Hercegovine.

Zašto je važna uloga omladinskog predstavnika?

Omladinski predstavnik u Upravnom odboru predstavljaće zajednički glas mladih Bosne i Hercegovine te će svojim radom i angažmanom biti predstavnik omladinskog sektora u BiH.

Imajući na umu veliku odgovornost koju nosi i povjerenje koje užive od strane mladih Bosne i Hercegovine, svojim radom i zalaganjem unutar Upravnog odbora imaće mogućnost da direktno utiče na odluke Regionalne kancelarije za saradnju ali i da utiče na veliki broj procesa od važnosti za regionalnu saradnju mladih.

Trajanje mandata

Omladinski predstavnik obavlja mandat u trajanju od tri godine, bez mogućnosti produženja.

Zadaci omladinskog predstavnika

Omladinski predstavnik/ca prema unaprijed dogovorenim planovima aktivno učestvuje u regionalnim inicijativama/sastancima i aktivnostima sa drugim omladinskim predstavnicima/ama, članovima/članicama Upravnog odbora RYCO-a.

Dužnost omladinskog predstavnika/ce kao člana Upravnog odbora je, između ostalog, učešće u usvajanju trogodišnjeg strateškog plana i godišnjih operativnih planova, usvajanju godišnjih budžeta i trogodišnjeg finansijskog plana, odobravanju godišnjih programskih i finansijskih izvještaja, obezbjeđivanju političke podrške ugovornih strana za strateške, operativne i finansijske planove, davanju saglasnosti za osnivanje radnih grupa za pojedina pitanja u vezi sa mladima, imenovanju i razrješenju generalnog sekretara/ke Sekretarijata, odlučivanju o zaključivanju sporazuma o saradnji sa učesnicima i učesnicama i organizacijama izvan ugovornih strana, osnivanju odbora za izbor osoblja Sekretarijata i lokalnih ogranaka, kao i izvještavanje civilnog društva i krovnih saveza o radu i postignutim rezultatima i redovno učešće na svim sastancima Upravnog odbora.

Potrebni uslovi i kompetencije

Kandidat/kinja koji aplicira na poziciju potrebno je:

- a) da nije mlađi od 18 i stariji od 30 godina;
- b) da je državljanin/ka Bosne i Hercegovine;

- c) da protiv njega/nje nije pokrenut krivični postupak za krivično djelo za koje je predviđena kazna zatvora ili da mu nije izrečena zatvorska kazna za krivično djela u skladu s krivičnim zakonima u Bosni i Hercegovini;
- d) aktivno učestvovanje u kreiranju/izradi omladinske politike na lokalnom, kantonalnom i/ili entitetskom nivou;
- e) najmanje tri godine iskustva u jednoj od sljedećih organizacija ili udruženja:
 - I) savjetu mladih/omladinskom savjetu u Bosni i Hercegovini;
 - II) omladinskom udruženju u Bosni i Hercegovini;
 - III) udruženju/organizaciji koja svojim aktivnostima zastupa interese mladih i djeluje na dobrobiti mladih u Bosni i Hercegovini;
- f) učestvovanje u kreiranju i sprovođenju projekata usmjerenih na ostvarivanje ciljeva definisanih u okviru lokalnih, kantonalnih i entitetskih omladinskih politika/strategija za mlade;
- g) iskustvo u regionalnoj i međunarodnoj suradnji;
- h) poznavanje rada lokalnih, kantonalnih i/ili entitetskih aktera iz oblasti omladinske politike/strategija prema mladima;
- i) učestvovanje u donošenju odluka na nivou tima, organizacije, radnih tijela ili sektora;
- j) poznavanje regionalnog konteksta i iskustvo u realizaciji programa/projekata za mlade na nivou regiona;
- k) napredni nivo znanja engleskog jezika;
- l) izražene analitičke, pregovaračke i komunikativne sposobnosti;
- m) aktivno poznavanje rada na računaru;
- n) da ne obnaša političku funkciju;
- o) da nije član upravljačkih ili rukovodećih struktura u krovnim organizacijama za mlade u BiH.

Potrebna dokumentacija:

- prijavni formular
- pismo motivacije
- biografija
- kopija identifikacionog dokumenta
- potpisane izjave kandidata (ovjerene kod nadležnog organa):
 1. da nije na funkciji u političkoj stranci;
 2. upravljačkim ili rukovodećim strukturama u krovnim organizacijama za mlade u BiH;
 3. da protiv njega/nje nije pokrenut krivični postupak za krivično djelo za koje je predviđena kazna zatvora ili da mu nije izrečena zatvorska kazna za krivično djela u skladu s krivičnim zakonima u Bosni i Hercegovini;

- dokaz o iskustvu ili djelovanju u radu upravnog odbora ili nekog drugog rukovodećeg organu u jednoj od sljedećih organizacija (uvjerenje ili potvrda):
 - savjetu mladih/omladinskom savjetu u Bosni i Hercegovini
 - omladinskom udruženju/organizaciji u Bosni i Hercegovini
 - udruženju/organizaciji koja svojim aktivnostima zastupa interese mladih ili djeluje na dobrobiti mladih u Bosni i Hercegovini
- dokaz o iskustvu ili djelovanju u radu sa mladima u trajanju od najmanje tri godine u jednoj od sljedećih organizacija (uvjerenje ili potvrda):
 - savjetu mladih/omladinskom savjetu u Bosni i Hercegovini
 - omladinskom udruženju/organizaciji mladih u Bosni i Hercegovini
 - udruženju/organizaciji koja svojim aktivnostima zastupa interese mladih ili djeluje na dobrobiti mladih u Bosni i Hercegovini
- dokaz o iskustvu u implementaciji međunarodnih ili regionalnih projekata od značaja za mlade (uvjerenje, potvrda, ugovor ili neki drugi akt);
- minimalno jedno pismo preporuke

Način prijave

Sve dokumente je potrebno dostaviti elektronskim putem.

- svi kandidati koji se blagovremeno prijave, a ispunjavaju uslove i koji na osnovu kriterijuma za izbor kandidata uđu u uži izbor biće pozvani na intervju od strane Komisije za izbor kandidata.
- o mjestu i datumu intervjua kandidati će biti blagovremeno obavješteni.

Napomena: Kandidat koji bude izabran za člana Upravnog odbora Regionalne kancelarije za saradnju mladih, dužan je u roku od 7 dana od dana izbora dostaviti uvjerenje o državljanstvu i potvrdu da se protiv istog ne vodi krivični postupak (ne starije od tri mjeseca od dana izdavanja od strane nadležnog organa).

Prijave je potrebno dostaviti u elektronskoj formi na prijave.ryco@gmail.com sa naznakom: **Prijava za predstavnika/cu mladih BiH u UO RYCO**, najkasnije do utorka, **18. 05. 2021.g.** do **23:59**.

Prijave pristigle nakon naznačenog roka neće biti uzete u razmatranje.

Za sva dodatna pitanja i nedoumice u vezi sa konkursom, možete da se obratite elektronskom poštom na prijave.ryco@gmail.com



info@vijecemladih.ba
o mladinske savjete@gmail.com
vijecemladihbd@gmail.com

Više informacija o Regionalnoj kancelariji za saradnju mladih Zapadnog Balkana možete vidjeti na: <https://www.rycowb.org/>.

Svi pojmovi koji su u tekstu Javnog poziva pisani u muškom rodu, odnose se bez razlike na osobe muškog i ženskog spola, te transrodne osobe.